



REPUBLIKA E SHQIPËRISË
MINISTRIA E SHËNDETËSISË DHE MBROJTJES SOCIALE
DREJTORIA E PËRGJITHSHME RREGULLATORE
DREJTORIA E PROGRAMIMIT DHE HARMONIZIMIT TË KUADRIT
RREGULLATOR
SEKRETARI I PËRGJITHSHËM

Nr. 828 Prot.

Tiranë, më 13.02 2023

Lënda: Përcillet për zbatim Ligji Nr. 107/2021 “Për Bashkëqeverisjen”

OPERATORI I SHËRBIMEVE TË KUJDESIT SHËNDETËSOR

Adresa: Rruga Ibrahim Rugova, Tiranë

AGJENCIA KOMBËTARE E BARNAVE DHE PAJISJEVE MJEKËSORE

Adresa: Rruga e Dibrës, Tiranë

AGJENCIA SHTETËRORE PËR MBROJTJEN E TË DREJTAVE TË FËMIJËVE

Adresa: Rruga e Kavajës, Tiranë

INSTITUTI I SHËNDETIT PUBLIK

Adresa: Rr.Aleksander Moisiu, Tiranë

INSTITUTI I INTEGRIMIT PËR ISH TË PËRNDJEKURIT

Adresa: Rruga “Xhorxh W. Bush”, Vila 2-katesh nr. 7, Tiranë

INSPEKTORIATI SHTETËROR SHËNDETESOR

Adresa: Rr.Aleksander Moisiu, Tiranë

KLINIKA STOMATOLOGJIKE UNIVERSITARE

Adresa: Qendra Spitalore Universitare “Nënë Tereza”, Rruga e Dibres, Tiranë

QENDRA KOMBËTARE E TRANSFUZIONIT TË GJAKUT

Adresa: Rruga Marubi, Spitali Ushtarak, Tiranë

QENDRA KOMBËTARE E INXHINIERISE BIO-MJEKESORE

Adresa: Rruga “Dibrës” Nr.12, Tiranë

QENDRA KOMBËTARE E URGJENCËS MJEKËSORE

Adresa: Rruga Lord Bajron Laprakë, Tiranë

AGJENCIA E SIGURIMIT TË CILËSISË TË KUJDESIT SHËNDETËSOR DHE SHOQËROR

Adresa: Adresa: Rr.Aleksander Moisiu, Nr. 84, Tiranë

QENDRA KOMBËTARE E MIRËRRITJES, ZHVILLIMIT DHE REHABILITIMIT TË FËMIJËVE

Adresa: Rruga Haki Stërmilli, Kombinat, Tiranë

SHËRBIMI SOCIAL SHTETËROR

Adresa: Rruga e Durrësit, Nr. 83, Tiranë

Të nderuar,

Me anë të kësaj shkrese, ju përcjellim për zbatim Ligjin Nr. 107/2021 “Për Bashkëqeverisjen”.

Të merren masa për zbatimin e detyrimeve të parashikuara në këtë ligj.

Duke ju falenderuar për bashkëpunimin,

SEKRETAR I PËRGJITHSHËM

JOANA DURO



institucioni arsyeton me kërkesë me shkrim se afati 30-ditor është i pamjaftueshëm, agjencia vendos një afat të ri, por jo më shumë se 30 ditë të tjera pune. Moszbatimi i afatit të ri përbën shkelje dhe dënohet sipas pikës 3 të këtij neni. Sanksioni me gjobë shfuqizohet nëse subjekti kundër të cilit është paraqitur ankesa e zbaton vendimin brenda shtatë ditëve pasi është vendosur sanksioni.

3. Me përjashtim të shkeljeve që lidhen me mosrespektimin e neneve 41, pika 3, dhe 61 të këtij ligji, për shkeljet e tjera të përcaktuara në pikën 1 të këtij neni, përveç masave disiplinore që përcaktohen në pikën 2 të këtij neni, zbatohen edhe dënimet si më poshtë:

- a) me gjobë nga 10 000 lekë deri në 60 000 lekë ndaj institucionit të administratës shtetërore;
- b) me gjobë nga 10 000 lekë deri në 60 000 lekë ndaj nëpunësit publik të institucionit të administratës shtetërore;
- c) me gjobë nga 30 000 lekë deri në 80 000 lekë ndaj titullarit të institucionit të administratës shtetërore.

4. Vendimi për vendosjen e masave dhe sanksioneve sipas pikave 2 dhe 3 të këtij neni, jepet nga drejtori i Përgjithshëm i Agjencisë.

5. Kur vendos masën apo sanksionin, Agjencia siguron që ajo të jetë:

- a) e efektshme dhe parandaluese;
- b) në përpjesëtim me gjendjen që ka shkaktuar vendosjen e masës. Nëse vendoset gjobë, Agjencia përcakton shumën e gjobës duke marrë parasysh:
 - i. natyrën dhe fushën e veprimit të shkeljes;
 - ii. rrethanat personale e financiare të shkelësit, veçanërisht duke marrë në konsideratë të gjitha burimet e të ardhurave;
 - iii. nëse shkelja është e përsëritur.

Neni 57

Ankimi

1. Ankimi administrativ kundër gjobës së vendosur për shkeljen administrative paraqitet dhe shqyrtohet sipas parashikimeve të Kodit të Procedurave Administrative dhe të legjislacionit në fuqi për inspektimin të Komisioni i Shqyrtimit të Kundërvajtjeve Administrative pranë Agjencisë për Dialog dhe Bashkëqeverisje.

2. Rregullat për ngritjen e komisionit të ankimit, përbërjen e tij, kriteret dhe procedurat për përzgjedhjen e anëtarëve dhe procedurën e shqyrtimit miratohen me urdhër të Kryeministrit.

Neni 58

Ekzekutimi i vendimit

Ekzekutimi i gjobave në zbatim të këtij ligji bëhet sipas legjislacionit në fuqi për kundërvajtjet administrative.

KREU XI

DISPOZITA TË FUNDIT

Neni 59

Hedhja në platformë e ankesave të ardhura përmes protokollit të institucioneve

1. Ngarkohen institucionet e administratës shtetërore që të gjitha tipologjitë e çështjeve, të cilat në kuptim të këtij ligji janë objekt i platformës “Me ty për Shqipërinë që duam”, të hedhin në platformën elektronike ankesat që administrohen fizikisht në rrugë zyrtare, çështjet për të cilat në pamundësi të adresimit në platformë qytetari apo subjekti ka bërë një ankesë me shkrim.

2. Institucionet e administratës shtetërore, objekt zbatimi i këtij ligji, ngarkohen të mos pranojnë më letra fizike nga qytetarët për çështje që lidhen me problematika, objekt trajtimi nga platforma “Me ty për Shqipërinë që duam”. Përfundim bëjnë vetëm rastet e cituara në pikën 1 të këtij neni.

3. Të gjitha komunikimet midis qytetarëve apo subjekteve private me platformën dhe të platformës me institucionin përgjegjës kryhen përmes sistemit elektronik të platformës nga ku gjurmohet vijimësia e çështjeve deri në përfundimin e tyre.

4. Procedurat dhe metodologjia e hedhjes së ankesave fizike në platformë deri në tërheqjen e plotë të shkresave përcaktohet me urdhër të drejtorit të Përgjithshëm të Agjencisë.

Neni 60

Ankesat në të gjitha nivelet e administratës

1. Me hyrjen në fuqi të këtij ligji të gjitha zyrat për marrëdhënie me publikun në administratën shtetërore në varësi të Këshillit të Ministrave pushojnë së ekzistuari dhe çështjet e ankesave të parashikuara në këtë ligj do të trajtohen vetëm nga platforma “Me ty për Shqipërinë që duam”. Punonjësit e këtyre zyrave, në rast pamundësie të ricaktimit të tyre në pozicione pune të tjera brenda të njëjtave institucione, trajtohen në përputhje me dispozitat e legjislacionit për nëpunësin civil për mbylljen ose ristrukturimin e institucionit, apo me dispozitat e Kodit të Punës, në varësi të kuadrit ligjor që rregullon marrëdhëniet e tyre të punës sipas aktit të krijimit të institucionit.

2. Prej datës 1.1.2023 institucionet shtetërore pranojnë ankesa në lidhje me veprimtarinë e tyre vetëm nëpërmjet platformës “Me ty për Shqipërinë që duam”, me përjashtim të rasteve të veçanta të parashikuara në nenin 22, pika 1, të këtij ligji.

Neni 61

Sistemi i Qarkullimit të Dokumenteve me Nënshkrim Elektronik (SQDNE)

1. Ofrimi i shërbimeve nga të gjitha institucionet shërbimofruese, aplikimet e të cilave realizohen nëpërmjet platformës “e-Albania”, do të realizohet vetëm elektronikisht duke siguruar lëshimin e dokumentit përfundimtar me vulë elektronike ose nënshkrim elektronik.

2. Agjencia është përgjegjëse për monitorimin e zbatimit të afateve dhe të përdorimit të SQDNE-së në rastet kur duhet të ketë shkëmbim dokumentacioni shoqërues ndërmjet institucioneve deri në marrjen e shërbimit dhe të dokumentit përfundimtar me vulë elektronike ose nënshkrim elektronik nga qytetarët dhe subjektet sipas afateve ligjore.

3. Procedurat dhe metodologjia e monitorimit dhe e kontrollit të veprimtarisë administrative sipas pikës 1 të këtij neni përcaktohen me vendim të Këshillit të Ministrave.

Neni 62

Aktet nënligjore

1. Ngarkohet Këshilli i Ministrave që brenda 6 muajve nga hyrja në fuqi e këtij ligji të nxjerrë aktet nënligjore në zbatim të neneve 14, pikat 2 dhe 7; 16, pika 4; 18, 22, pikat 3 e 4; 56, pika 4 dhe 61, pika 3, të këtij ligji.

2. Ngarkohet Agjencia që brenda 6 muajsh nga hyrja në fuqi e këtij ligji të nxjerrë aktet nënligjore në zbatim të neneve 26, pika 4; 55, pika 2 dhe 59, pika 4, të këtij ligji.

3. Deri në miratimin e akteve nënligjore të parashikuara në këtë ligj, aktet nënligjore ekzistuese në fushën e bashkëqeverisjes mbeten në fuqi për aq sa nuk bien ndesh me të.



REPUBLIKA E SHQIPËRISË
MINISTRIA E SHËNDETËSISË
DHE MBROJTJES SOCIALE

QENDRA KOMBËTARE TEKNIKE BIO-MJEKËSORE

Nr 29/1 Prot

Tiranë, më 28/2 2023

URDHËR

Nr. 7 Datë 28. 2. 2023

PËR

“CAKTIMIN E PERSONIT PËRGJEGJËS PËR ADMINISTRIMIN E PLATFORMËS
“ME TY PËR SHQIPËRINË QË DUAM PËR BASHKËQEVERISJEN”

Në mbështetje të shkresës me Nr.828 prot.datë 13.02.2023 të Ministrisë së Shëndetësisë dhe Mbrojtjes Sociale, dhe në zbatim të nenit 4, pika 3 të Ligjit Nr.107/2021 “Për Bashkëqeverisjen”

URDHËROJ:

1. Caktimin e punonjësës znj.Elona Ndrio si person përgjegjës për zbatimin e Ligjit Nr.107/2021 “Për Bashkëqeverisjen” në Qendrën Kombëtare Teknike Bio-Mjekësore.
2. Personi përgjegjës do të administrojë platformën “Me ty për Shqipërinë që duam” në institucionin tonë.
3. Personi përgjegjës do të ketë detyrën e mbajtjes së kontaktit midis koordinаторit të Agjencisë dhe institucionit.
4. Ky urdhër hyn në fuqi menjëherë.

TITULLARI I AUTORITETIT KONTRAKTOR

Oltion Dhono

